

ტექნიკური დავალება (დაზღვევის პირობები)

შპს „ბლექ სი არენა ჯორჯია“-ს საკუთრებაში არსებული ქონების დაზღვევა.

მომსახურება გაწეულ უნდა იყოს ყოველდღიურად, 24სთ, უქმე და დასვენების დღეების ჩათვლით.

დაზღვევის ტერიტორია - ოზურგეთი, სოფ. ნატანები და ქ. თბილისი, მ. ალექსიძის ქ. N1 („გეოფიზიკის ინსტიტუტის შენობა“, პირველი სართული) - შპს „ბლექ სი არენა ჯორჯია“-ს საკუთრებაში არსებული ტერიტორიები.

მომსახურება გაწევა უნდა განხორციელდეს *ხელშეკრულების გაფორმებიდან 1 (ერთი) წლის განმავლობაში*.

მომსახურების ანაზღაურება - მომსახურების ანაზღაურება განხორციელდება ყოველკვარტალურად, შესაბამისი დოკუმენტაციის (ინვოისი) წარმოდგენიდან და მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

N	დასახელება	ღირებულება (ლარი)
1	შენობა N1 - საკონცერტო დარბაზი / ადმინისტრაციული შენობა (ოზურგეთი, სოფ. ნატანები)	21 800 000.00
2	საკონცერტო დარბაზის მიმდებარედ შენობა N2; N3; N4; N5; N6; N7; N8; N9 (ოზურგეთი, სოფ. ნატანები)	200 000.00
3	საწყობის შენობა (ოზურგეთი, სოფ. ნატანები)	4 200 000.00
4	საოფისე ფართი (ქ. თბილისი, მ. ალექსიძის N1 „გეოფიზიკის ინსტიტუტის“ შენობის I სართული)	868 072.00
5	საგუშაგო ჯიხური	8 577.12
6	ოფისის აღჭურვილობა, ტექნიკა და მანქანა-დანადგარები, მუსიკალური ინსტრუმენტები და მოწყობილობები, სპეც. ტექნიკა	37 058 283.10
	სულ დასაზღვევი ქონების ღირებულება:	64 134 932.22

შენიშვნა: ფრანშიზა (არანაზღაურებადი მინიმუმი) თითოეულ შემთხვევაში არ უნდა აღემატებოდეს:

- 1) შენობის და შიგთვსის ნაწილობრივ დაზიანებაზე: ზარალის 2% და მინიმუმ 2000 აშშ დოლარის ექვივალენტს ლარში სადაზღვევო შემთხვევის დღეს არსებული ოფიციალური კურსით;
- 2) სტიქიური უბედურების რისკებისათვის და სრული განადგურებისათვის: ზარალის 5% და მინიმუმ 7000 აშშ დოლარის ექვივალენტს ლარში სადაზღვევო შემთხვევის დღეს არსებული ოფიციალური კურსით.

დაზღვევის ობიექტების ცვლილების შემთხვევაში შპს „ბლექ სი არენა ჯორჯია“ უფლებამოსილია მთლიანად ან ნაწილობრივ ამოიღოს დასაზღვევი ობიექტების ნუსხიდან გარკვეული ქონება (ყოველგვარი დამატებითი ხარჯის გაწევის გარეშე) და, შესაბამისად, შეამციროს ხელშეკრულების ფასი.

ინფორმაცია დასაზღვევი ობიექტის შესახებ

ოზურგეთის მუნიციპალიტეტის, სოფ. ნატანებში განთავსებული შპს „ბლექ სი არენა ჯორჯია“-ს საკუთრებაში არსებულ ობიექტებზე:

მორიგეობს 24 საათიანი ცოცხალი დაცვა;
ტერიტორია კონტროლდება ვიდეოკამერებით;
ძირითად შენობებზე დამონტაჟებულია მეხამრიდები;
ტერიტორიაზე განთავსებულია პორტატული ცეცხლმაქრები;
ობიექტების მიმდებარედ განთავსებულია სახანძრო პუნქტი, სადაც მუდმივად მოხილიზებულია სახანძრო მანქანა და შესაბამისი ბრიგადები.
საკონცერტო დარბაზის ტერიტორია შემოსაზღვრულია რკინის ლობით.

ქ. თბილისში, მ. ალექსიძის ქ. N1-ში განთავსებულ საოფისე ფართში:

დამონტაჟებულია კვამლის დეტექტორები;
განთავსებულია პორტატული ცეცხლმაქრები;
ობიექტს ემსახურება 24 საათიანი დაცვის სამსახური.

შენობა N1 - საკონცერტო დარბაზი / ადმინისტრაციული შენობა - მდებარეობს ოზურგეთის მუნიციპალიტეტში, სოფ. ნატანებში (ს/კ 26.01.61.015). შენობა შედგება ორი ძირითადი ნაწილისაგან. პირველი - საზაფხულო საკონცერტო დარბაზის და მაყურებელთა დარბაზის ნაწილი, რომელიც წარმოადგენს ლითონის კონსტრუქციული ელემენტებისაგან აწყობილ სივრცით შენობას, მოძრავი სახურავით და ჟალუზის ტიპის კედლებით. გადახურვა შედგება მოძრავი და უძრავი ნაწილისაგან, სადაც ქვემოდან მოწყობილია თუნუქის ფურცლებით შეკიდული ჭერები, ხოლო ზემოდან დაგებულია ე.წ კარბოლუქსის გამჭვირვალე ფილები. მეორე ნაწილს წარმოადგენს ადმინისტრაციულ-სამეურნეო დანიშნულების შენობა, იგი კონსტრუქციულად წარმოადგენს სრულ მონოლითურ შვიდსართულიან ნაგებობას. მონოლითურია როგორც კედლები, ისე გადახურვის ფილები. მშენებლობა მიმდინარეობდა 2008-2015 წლებში.

საკონცერტო დარბაზის მიმდებარედ შენობა N2; N3; N4; N5; N6; N7; N8; N9 - მდებარეობს ოზურგეთის მუნიციპალიტეტში, სოფ. ნატანებში (ს/კ 26.01.61.015) საკონცერტო დარბაზის მიმდებარედ, შენობები წარმოადგენს სალაროებს, საპირფარეშოებს და დაცვის ჯიხურს.

საწყობის შენობა - მდებარეობს ოზურგეთის მუნიციპალიტეტში, სოფ. ნატანებში (ს/კ 26.01.61.368), წარმოადგენს ორსართულიან შენობას, სადაც მოწყობილია სასაწყობე ფართი,

ასევე საოფისე ფართები და სველი წერტილები.

საოფისე ფართი - ახალი გარემონტებული 315კვ.მ მოცულობის ფართი მდებარეობს ქ. თბილისში, მ. ალექსიძის ქ. N1, შენობა-ნაგებობა N1-ის პირველ სართულზე (ს/კ 01.10.13.040.113).

საგუმბავო ჯიხური - დაცვის ჯიხური, რომელიც მდებარეობს ოზურგეთის მუნიციპალიტეტში, სოფ. ნატანებში (ს/კ 26.01.61.383) წარმოადგენს წიწვოვანი ჯიშის ხის მასალით შეფუთულ პოლიურეთანის სენდვიჩ-პანელის კონსტრუქციას, მეტალო პლასტმასის კარ-ფანჯრით, რომელიც შეძენილია 2020 წელს.

შენობებისა და მათი შიგთავსის დაზღვევის პირობები

მუხლი 1. დაზღვევის საგანი

1.1. დაზღვევის საგანია დამზღვევის საკუთრებაში არსებული შენობების და მათი შიგთავსის დაზღვევა მზღვეველის მიერ წინამდებარე ხელშეკრულების პირობების შესაბამისად დამზღვევის მიერ შესაბამისი სადაზღვევო პრემიის გადახდის საფუძველზე, შემდეგი სადაზღვევო რისკებისაგან: ხანძარი (მათ შორის, მოკლე ჩართვით გამოწვეული), მეხის დაცემა, აფეთქება, თვითმფრინავის ან სხვა საჰაერო ტრანსპორტის ან მათი ნაწილების ჩამოვარდნა, სტიქიური მოვლენები (სეტყვა, წყალდიდობა, მიწისძვრა, მეწყერი, გრუნტის აწევა ან დაწევა, თოვლის სიმძიმით გამოწვეული ზიანი, ჰაერის მასების მოძრაობა 20 მ/წმ-ზე მეტი სიჩქარით, რომელიც გამოწვეულია ბუნებრივი პროცესებით ატმოსფეროში) ქურდობა, ძარცვა, ყაჩაღობა ან მათი მცდელობა, მესამე მხარის მიერ განზრახ მიყენებული ზიანი, სატრანსპორტო საშუალების შეჯახებით მიყენებული ზიანი, დატბორვა, კვამლით დაზიანება.

1.2. ხელშეკრულების და წინამდებარე პირობების საფუძველზე გაიცემა შესაბამისი ქონების დაზღვევის ინდივიდუალური სადაზღვევო პოლისები. აღნიშნულ პოლისებზე მთლიანად ვრცელდება ხელშეკრულებით დადგენილი მოთხოვნები. ამასთან, ინდივიდუალური სადაზღვევო პოლისების გაცემა ხორციელდება შესაბამისი განაცხადის დამზღვევის მიერ შევსებისა და მისთვის სასურველი რისკების აღნიშნულ განაცხადში მითითების საფუძველზე. ხსენებული სადაზღვევო პოლისები და შესაბამისი განაცხადები იქცევა ამ ხელშეკრულების განუყოფელ ნაწილებად.

1.3. იმ შემთხვევაში, თუ სადაზღვევო პოლისის რომელიმე დებულება წინააღმდეგობაში მოდის ხელშეკრულების რომელიმე დებულებასთან, უპირატესობა ენიჭება ხელშეკრულების დებულებას.

მუხლი 2 ტერმინთა განსაზღვრება

წინამდებარე პირობებში გამოყენებულ ტერმინებს ენიჭებათ შემდეგი მნიშვნელობა:

2.1. დამზღვევი - პირი, რომელიც დებს წინამდებარე დაზღვევის ხელშეკრულებას მზღვეველთან და იხდის შესაბამის სადაზღვევო პრემიას;

2.2. მოსარგებლე - პირი, რომელიც წინამდებარე ხელშეკრულების, შესაბამისი სადაზღვევო პოლისისა და საქართველოს მოქმედი კანონმდებლობის მოთხოვნათა შესაბამისად უფლებამოსილია, მიიღოს სადაზღვევო ანაზღაურება;

2.3. სადაზღვევო თანხა - თანხა, რომლის ფარგლებშიც გაიცემა სადაზღვევო ანაზღაურება; სადაზღვევო თანხის ოდენობა არ უნდა აღემატებოდეს დაზღვეული საგნის აღდგენით და/ან შენაცვლებით ღირებულებას; თითოეული დაზღვევის საგნისათვის სადაზღვევო თანხა აღნიშნული იქნება შესაბამის სადაზღვევო პოლისში, რომელზედაც გავრცელდება წინამდებარე ხელშეკრულების დებულებები და პირობები; დამატებით შეიძლება დაწესდეს სადაზღვევო ანაზღაურების ლიმიტ(ებ)ი, რაც ასევე ასახვას ჰპოვებს შესაბამის სადაზღვევო პოლისში;

2.4. სადაზღვევო პრემია - თანხა, რომელიც მითითებულია შესაბამის სადაზღვევო პოლისში მისი გადახდის პირობებთან და ვადებთან ერთად და რომელიც წარმოადგენს წინამდებარე ხელშეკრულებითა და შესაბამისი სადაზღვევო პოლისით გათვალისწინებული დაზღვევის საფასურს;

2.5. ფრანშიზა - შესაბამის სადაზღვევო პოლისში მითითებული არანაზღაურებადი მინიმუმი,

რომელზეც მზღვეველი არ არის პასუხისმგებელი და რომელიც აკლდება ზარალის თანხას; სხვადასხვა სადაზღვევო შემთხვევის მიმართ შეიძლება დადგენილი იქნას ცალ-ცალკე ფრანშიზები, რაც, ასევე, ასახვას ჰპოვებს შესაბამის სადაზღვევო პოლისში;

2.6. სადაზღვევო პერიოდი - პერიოდი, რომლის განმავლობაშიც დაზღვევა ძალაშია ანუ დაზღვევის მოქმედების ვადა, რომელიც მითითებულია ინდივიდუალურ სადაზღვევო პოლისში;

2.7. სადაზღვევო პოლისი - წინამდებარე ხელშეკრულების საფუძველზე განხორციელებული დაზღვევის დამადასტურებელი დოკუმენტი;

2.8. დაზღვევის განაცხადი - მზღვეველის მიერ დადგენილი ფორმით დამზღვევის მიერ შესავსები კითხვარი, რომელშიც აისახება დაზღვევის განხორციელებისათვის აუცილებელი მზღვეველისათვის საინტერესო გარემოებები.

2.9. დაზღვევის საგანი - დაზღვევის საგანს წარმოადგენს დამზღვევის საკუთრებაში არსებული ქონება, რომლის დეტალური ჩამონათვალი მითითება შესაბამის სადაზღვევო პოლისში.

2.10. ხანძარი - ცეცხლი, რომელიც თავისით ვრცელდება ცეცხლის დანთებისათვის განკუთვნილი ადგილის ფარგლებს გარეთ;

2.11. აფეთქება - გამოწვეული აირის ან ორთქლის წნევის ძალის უეცარი მატებით, არა მდგრადი სისტემის სწრაფი ქიმიური რეაქცია;

2.12. მეხის დაცემა - ატმოსფერული განმუხტვის შედეგად ქონების მიმართ გამოწვეული ზიანი;

2.13. თვითმფრინავის ან სხვა საჰაერო ტრანსპორტის ან მათი ნაწილების ჩამოვარდნა - თვითმფრინავის ან სხვა საჰაერო ტრანსპორტის ან ამ ტრანსპორტიდან ნივთების გადმოვარდნა, რაც განაპირობებს დაზღვეული ქონების დაზიანება-განადგურებას;

2.14. სტიქიური მოვლენები (სეტყვა, წყალდიდობა, მიწისძვრა, მეწყერი, გრუნტის აწევა ან დაწევა, თოვლის სიმძიმით გამოწვეული ზიანი, ჰაერის მასების მოძრაობა 20 მ/წმ-ზე მეტი სიჩქარით, რომელიც გამოწვეულია ბუნებრივი პროცესებით ატმოსფეროში)

2.15. ქურდობა, ძარცვა, ყაჩაღობა ან მათი მცდელობა - დაზღვეული ობიექტის ფარული ან აშკარა დაუფლება ან მისი მცდელობა მართლსაწინააღმდეგო მისაკუთრების მიზნით, ჩადენილი შენობაში მართლსაწინააღმდეგო შეღწევის გზით, გარდა იმ შემთხვევებისა, როდესაც: ადგილი ჰქონდა წინასწარ შეთანხმებას დაზღვეულის რომელიმე მუშაკს ან დაზღვეულ ობიექტზე მყოფ პიროვნებასა და ბოროტმოქმედს შორის. ამასთან, წინამდებარე ხელშეკრულების თანახმად, დაზღვევით არ იფარება ქურდობის ისეთი შემთხვევები (მიუხედავად იმისა, აღძრულია, თუ - არა სისხლის სამართლის საქმე ქურდობის მუხლით), თუ შესაბამისი და სათანადო მტკიცებულებებით არ დასტურდება დაზღვეულ ობიექტზე ბოროტმოქმედი(ებ)-ის შეღწევის ან გამოღწევის ფაქტი და ადგილი აქვს, უბრალოდ დაზღვეული ქონების გაუჩინარებას;

2.16. მესამე პირი(ებ)ს მიერ განზრახ მიყენებული ზიანი - მესამე პირი(ებ)ს მიერ განზრახ ჩადენილი მართლსაწინააღმდეგო ქმედების შედეგი, გარდა წინამდებარე ხელშეკრულებით გათვალისწინებული გამონაკლისი შემთხვევებისა;

2.17. სატრანსპორტო საშუალების შეჯახებით მიყენებული ზიანი - ნებისმიერი სატრანსპორტო საშუალების დაზღვეულ ქონებაზე შეჯახების შედეგად დაზღვეული ქონებისათვის მიყენებული ზარალი.

2.18. დატბორვა - წყალგაყვანილობის, გათბობის და კანალიზაციის სისტემების მწყობრიდან უეცარი და მოულოდნელი გამოსვლით მიყენებული ზიანი (წყლით დაზიანება) - გარდა იმ შემთხვევებისა, როდესაც: ზარალი გამოწვეულია წყლის მიღების, მილსადენების, საცობების, აგრეგატებისა და ცეცხლჩაქრობი სპეციალური სისტემების შეკეთებით;

2.19 კვამლით დაზიანება - დაზღვეული ქონების ტერიტორიაზე მდებარე ცეცხლის გამომამუშავებელი ან გამომყენებელი გამათბობელი დანადგარებიდან უეცრად წარმოქმნილი კვამლის შედეგად დაზღვეული ქონების განადგურება ან დაზიანება.

2.20. გამომუშავებული სადაზღვევო პრემია – სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის დასაწყისიდან ასეთ თარიღამდე განვლილი დროის მონაკვეთის პროპორციული პრემიის ოდენობა;

2.21. გამოუმუშავებელი სადაზღვევო პრემია - სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის ამოწურვამდე დარჩენილი დროის მონაკვეთის პროპორციული პრემიის ოდენობა;

წინამდებარე პირობებში გამოყენებულ სხვა ტერმინებს გააჩნიათ ჩვეულებრივი მნიშვნელობა. ამასთან, თუ ხელშეკრულებაში გამოყენებული ტერმინების გაგება არაერთგვაროვანია, სხვადასხვა ინტერპრეტაციებს შორის უპირატესობა ენიჭება საკანონმდებლო წესით განსაზღვრულ მნიშვნელობას, თუკი საქართველოს მოქმედი კანონმდებლობა ასეთს ითვალისწინებს.

მუხლი 3. სადაზღვევო შემთხვევა და გამონაკლისები

3.1 სადაზღვევო შემთხვევას წარმოადგენს მხოლოდ შესაბამისი სადაზღვევო პოლისით გათვალისწინებული რისკების ხდომილებით გამოწვეული დაზღვეული ქონების დაზიანება-განადგურება.

3.2. დაზღვევა შეიძლება განხორციელდეს მხოლოდ წინამდებარე ხელშეკრულებით განსაზღვრული რისკებისგან, ამასთან, “მზღვეველი” არ არის პასუხისმგებელი იმ ზარალზე, რომელიც გამოწვეულია:

ა) ნივთიერებების შეღწევით ან გამოჟონვით, დაბინძურებით;

ბ) დაზღვეული ქონების თვითაალებით, დუღილით, ლპობით, წონაში ცვლილებებით, დაობებით, ფერმენტაციით ან სხვა ბუნებრივი პროცესებით რომელსაც განიცდის დაზღვეული ქონება;

გ) მღრღნელების ან მავნებლების მიერ;

დ) მშენებლობების, ნაგებობების ან მათი ნაწილის, ასევე მათში არსებული ქონების ნგრევა ან დაზიანება, თუ ეს გამოწვეულია მშენებლობის, დამზადების ან მასალის დეფექტით.

ე) ნებისმიერი პირის თაღლითური ქმედებით;

ვ) ცვეთით, ამორტიზაციით ან გაუფასურებით;

ზ) ნებისმიერი დაზღვევამდე არსებული მიზეზებით;

თ) ნიადაგის დაწვეთ, ძვრით ან სხვა ნებისმიერი გრუნტის მოძრაობით, თუ ისინი გამოწვეულია ასაფეთქებელი სამუშაოების შესრულების შედეგად. გრუნტის ამოდებით გამოქვაბულებიდან ან კარიერებიდან. მიწის სამუშაოების ჩატარებით. სასარგებლო წიაღისეულის მისაპოვებლად ჩატარებული სამუშაოებით ან/და სხვა ნებისმიერი არაბუნებრივი მოვლენების შედეგად;

ი) დაზღვეულ ობიექტში ან ნაგებობაში თოვლის, სეტყვის ან წყლის შეღწევით ღია ფანჯრებიდან ან კარებიდან, ასევე სხვა ხვრელებიდან, რომლებიც გაკეთებულია წინასწარგანზრახულად, ან წარმოქმნილია სიძველით ან სამშენებლო დეფექტით.

კ) შიდა წვაზე მომუშავე მანქანა-დანადგარების მექანიზმების აფეთქების შედეგად, რომელიც წარმოიქმნება წვის კამერაში.

ლ) დაზღვეული ქონების ცეცხლიტ დამუშავებისას, სითბოთი ან სხვა თერმული ზემოქმედებით, რომელსაც ითვალისწინებს ტექნოლოგიური პროცესი;

მ) ქონების თვითაალების შედეგად, რომელიც გამომდინარეობს მისი ბუნებრივი

თვისებებიდან;

ნ) დაზღვეული ქონების ან რაიმე ნივთის უგზო-უკვლოდ გაუჩინარებით;

ო) დანესტიანებით;

პ) ბირთვული აფეთქების ზემოქმედებით, რადიაციის ან რადიოაქტიური დაბინძურებით;

ჟ) კონფისკაციით, რეკვიზიციით, დაპატიმრებით ან სახელმწიფო ორგანოების ბრძანებით დაზღვეული ქონების დაზიანებით / განადგურებით.

რ) დატბორვით გამოწვეულ ზარალს, რომელიც მიყენებულ იქნა ექსპლუატაციაში ჯერ არ გაშვებული შენობებისათვის და მათ შიგნით მდებარე ქონებისათვის;

ს) მასობრივი არეულობით, ტერორიზმით ან მისი ნებისმიერი გამოვლენით, უშუალო ან არაპირდაპირ საომარი მოქმედებებით, სახელმწიფო ხელისუფლების მიერ გამოცხადებული განსაკუთრებული, საგანგებო, სამხედრო მდგომარეობით, საბოტაჟით, აჯანყებით, შეიარაღებული გამოსვლებით, მანიფესტაციებით, ლოკაუტით, გაფიცვით და სხვა ანალოგიური მიზეზებით;

ტ) შესაბამის სადაზღვევო პოლისში აღნიშნულის გარდა სხვა რისკებით;

უ) დაზღვეული ქონების პირდაპირი დანიშნულების ტერიტორიაზე

(დაზღვევის ტერიტორიაზე) არ ყოფნის;

ფ) ხანძარსაწინააღმდეგო სისტემის (თუ ასეთის არსებობა მითითებულია განაცხად-ანკეტაში) გაუმართავ მდგომარეობაში ყოფნით;

ქ) დაცვის (სიგნალიზაციის) სისტემის (თუ ასეთის არსებობა მითითებულია განაცხად-ანკეტაში) გაუმართავ მდგომარეობაში ყოფნით;

ღ) სახიფათო ნარჩენების შეუსაბამო, არასათანადო შეფუთვით და შეუსაბამო ადგილას მოთავსებით;

ყ) გარემოებებით, რომლებიც ზრდიან სადაზღვევო რისკის დადგომის ალბათობას, ცნობილია “დამზღვევისათვის” ან მისი წარმომადგენლისთვის და ამის შესახებ არ აცნობა “მზღვეველს” წერილობითი ფორმით დაუყოვნებლივ, არაუგვიანეს 2 (ორი) სამუშაო დღისა, ან “მზღვეველს” მიეწოდა ყალბი ან არასრული ინფორმაცია;

შ) წინამდებარე ხელშეკრულება არ ითვალისწინებს ნებისმიერი სახის მოწყობილობის ან დანადგარის ელექტრობის დაზიანებას, თუ ეს უშუალოდ ან არაპირდაპირ გამოწვეულია მოკლე ჩართვით ან დენის ცვალებადობით; ეს გამონაკლისი არ ეხება ასეთი მოკლე ჩართვის შედეგად გამოწვეული ხანძრით სხვა ქონების დაზიანებას;

ჩ) თვითმფრინავის ან სხვა საჰაერო ტრანსპორტის ბგერითი ან ზებგერითი სიჩქარით ფრენისას წარმოშობილი წნევის ტალღებით;

ც) გარემოებებით, რომლებიც საქართველოს მოქმედი კანონმდებლობისა და/ან წინამდებარე ხელშეკრულების მოთხოვნათა შესაბამისად, მზღვეველს ანიჭებს უფლებამოსილებას, უარი განაცხადოს სადაზღვევო ანაზღაურების გაცემაზე.

მუხლი 4. მხარეთა უფლება-მოვალეობანი

4.1. დამზღვევი/დაზღვეული ვალდებულია:

4.1.1. განუხრელად დაიცვას წინამდებარე ხელშეკრულებითა და შესაბამისი სადაზღვევო პოლისით დადგენილი პირობები და ნაკისრი მოვალეობები;

4.1.2. უზრუნველყოს მზღვეველი სადაზღვევო ხელშეკრულების დასადებად აუცილებელი ინფორმაციით;

4.1.3. დროულად და სრულად გადაიხადოს სადაზღვევო პრემია;

4.1.4. წინამდებარე გენერალური ხელშეკრულების დასადასტურებლად და კონკრეტული დაზღვევის განსახორციელებლად წარმოდგენილ მონაცემებში ნებისმიერი ცვლილების შემთხვევაში (მაგ.: ქონების გასხვისება ან მოსარგებლის შეცვლა, სადაზღვევო რისკის გაზრდა, სადაზღვევო თანხის გაზრდა და ა.შ) შეატყობინოს ამის შესახებ მზღვეველს წერილობითი ფორმით დაუყოვნებლივ, არაუგვიანეს 2 (ორი) სამუშაო დღისა, ასეთი ცვლილების წარმოშობის შეტყობის მომენტიდან;

4.1.5. სადაზღვევო შემთხვევის დადგომიდან არაუგვიანეს 24 საათისა, აცნობოს ამის შესახებ ქოლ ცენტრს სადაზღვევო პოლისში მითითებულ ნომერზე, ხოლო 2 (ორი) სამუშაო დღის განმავლობაში წერილობითი ფორმით გაუგზავნოს მზღვეველს შეტყობინება სადაზღვევო შემთხვევის შესახებ;

4.1.6. ობიექტური შესაძლებლობის ფარგლებში მიიღოს ყველა შესაძლო ზომა დაზღვევის საგნის გადასარჩენად და ზიანის მოცულობის მაქსიმალურად შესამცირებლად;

4.1.7. მზღვეველის წარმომადგენლის მისვლამდე უზრუნველყოს სადაზღვევო შემთხვევის ადგილზე არსებული მდგომარეობის შენარჩუნება თავისი მოქალაქეობრივი უფლებამოსილებისა და ობიექტური შესაძლებლობის ფარგლებში;

4.1.8. გაუწიოს მზღვეველს სათანადო დახმარება, ხელი შეუწყოს, მიიღოს მონაწილეობა სადაზღვევო შემთხვევის გამომწვევი მიზეზების, მისი დადგომის გარემოებების, შედეგებისა და მიყენებული ზიანის სიდიდის სრულ და ობიექტურ გამოკვლევაში, დადგენასა და შეფასებაში და არ იმოქმედოს მზღვეველის ინტერესების საწინააღმდეგოდ;

4.1.9. დაუყოვნებლივ შეატყობინოს მზღვეველს სადაზღვევო შემთხვევასთან დაკავშირებით მის მიერ მიღებული ნებისმიერი უწყების, შეტყობინების ან გზავნილის შესახებ;

4.1.10. საკუთარი უფლებამოსილებისა და შესაძლებლობის ფარგლებში ხელი შეუწყოს მზღვეველს მის მიერ რეგრესის უფლების განხორციელებაში;

4.1.11. ყველა ღონე იხმაროს დაზღვეული ქონების უსაფრთხოების დასაცავად; დაიცვას ქონების/შიგთავისის შენახვის/მოვლის დადგენილი სტანდარტები;

4.1.12. მიანიჭოს სრული თავისუფლება მზღვეველს, რათა ამ უკანასკნელს მიეცეს საშუალება სურვილისამებრ ნებისმიერ დროს შეამოწმოს დაზღვეული ქონების მდგომარეობა;

4.1.13. ზედმიწევნით დაიცვას წინამდებარე ხელშეკრულების ყველა დებულების მოთხოვნა და მიაწოდოს მზღვეველს ყველა საჭირო და შესაბამისი ინფორმაცია და დოკუმენტაცია, რომელიც, თავის მხრივ, წარმოადგენს სადაზღვევო ანაზღაურების გაცემის საფუძველს;

4.1.14. სადაზღვევო შემთხვევის დადგომისას დაუყოვნებლივ აცნობოს აღნიშნულის შესახებ შესაბამის კომპეტენტურ ორგანოებს;

4.1.15. სადაზღვევო შემთხვევის დადგომისას წარუდგინოს მზღვეველს ქვემოთ ჩამოთვლილი დოკუმენტაცია:

ა) განცხადება სადაზღვევო შემთხვევის შესახებ მე-4 მუხლის 4.1.5. პუნქტის შესაბამისად და გაცხადებული პრეტენზია ზარალის ანაზღაურების თაობაზე;

ბ) სადაზღვევო პოლისის ორიგინალი;

გ) შესაბამისი უფლებამოსილი სახელმწიფო ორგანოების მიერ ოფიციალური ფორმით გაცემული (დამოწმებული უფლებამოსილი პირის ბეჭიდან და ხელმოწერით) სადაზღვევო შემთხვევის დამადასტურებელი დოკუმენტი, ორიგინალის სახით, სადაც აღნიშნული უნდა იყოს: შემთხვევის ადგილი და თარიღი, გამომწვევი მიზეზი, შემთხვევის მოხდენაზე პასუხისმგებელი პირი (პირები) (ასეთის არსებობისას), აგრეთვე, საქმისათვის მნიშვნელობის მქონე სხვა გარემოებები;

დ) თუ სადაზღვევო შემთხვევის დადგომა გამოწვეულია მესამე პირის ქმედებით და ასეთი პირის ვინაობა ცნობილია, მზღვეველს უნდა წარმოუდგინოს ასეთი მესამე პირის შესახებ ინფორმაცია, კერძოდ: სახელი, გვარი, მისამართი, საკონტაქტო ტელეფონის ნომერი;

ე) წინამდებარე ხელშეკრულებით დაზღვეულ რისკებზე (გარდა იმ შემთხვევისა, თუ კონკრეტული შემთხვევის სპეციფიკიდან გამომდინარე არ მოითხოვება სისხლის სამართლის საქმის აღძვრა) სადაზღვევო შემთხვევის დადგომისას, სისხლის სამართლის საქმის აღძვრის დამადასტურებელი დოკუმენტი, ასევე, ჩატარებულ საგამოძიებო მოქმედებათა შედეგების დამადასტურებელი დოკუმენტი;

ვ) იმ შემთხვევაში, თუ დაზღვეული ქონება არ წარმოადგენს დამზღვევის (მოსარგებლის) საკუთრებას – მესაკუთრის წერილობითი განცხადება მოსარგებლისათვის ანაზღაურების მიღების უფლებამოსილების მინიჭების თაობაზე.

4.2. მზღვეველი ვალდებულია:

4.2.1. განხორციელებული დაზღვევის დასადასტურებლად გადასცეს დამზღვევს შესაბამისი დაზღვევის პოლისი, ამასთან, დაზღვევის განსახორციელებლად უზრუნველყოს დამზღვევი შესაბამისი განაცხადის ფორმით;

4.2.2. მიიღოს დამზღვევის განცხადება სადაზღვევო შემთხვევის დადგომის შესახებ განხილვისთვის;

4.2.3. შეადგინოს სადაზღვევო აქტი სადაზღვევო შემთხვევის შესახებ და განსაზღვროს სადაზღვევო ანაზღაურების თანხა;

4.2.4. მოახდინოს სადაზღვევო ანაზღაურების გაცემა წინამდებარე ხელშეკრულებით დადგენილი პირობებითა და წესით ანაზღაურებისათვის აუცილებელი ყველა საჭირო დოკუმენტის მიღების საფუძველზე შედგენილი სადაზღვევო შემთხვევის აქტის მხარეთა მიერ ხელმოწერიდან 30 (ოცდაათი) კალენდარული დღის ვადაში, ხოლო მესამე პირის განზრახი ქმედებით ზიანის მიყენების, ქურდობა, ძარცვა, ყაჩაღობის (მათი მცდელობის) რისკზე სადაზღვევო შემთხვევის დადგომისას, სადაზღვევო ანაზღაურება გაიცემა ასეთი აქტის მხარეთა მიერ ხელმოწერიდან 2 (ორი) კალენდარული თვის ვადაში;

4.2.5. ჯეროვნად შეასრულოს წინამდებარე ხელშეკრულებით ნაკისრი მოვალეობები.

4.3. დამზღვევი/დაზღვეული უფლებამოსილია:

4.3.1. განხორციელებული დაზღვევის დასტურად მოითხოვოს შესაბამისი სადაზღვევო პოლისი;

4.3.2. სადაზღვევო შემთხვევის დადგომისას მიიღოს მონაწილეობა მისი გამომწვევი მიზეზების, მიყენებული ზიანის სიდიდის და სადაზღვევო შემთხვევასთან დაკავშირებული სხვა მონაცემების მოკვლევა-მოძიებაში;

4.3.3. სადაზღვევო შემთხვევის დადასტურებისას მოითხოვოს სადაზღვევო ანაზღაურების მიღება წინამდებარე ხელშეკრულებითა და შესაბამისი სადაზღვევო პოლისით დადგენილი წესითა და ოდენობით.

4.4. მზღვეველი უფლებამოსილია:

4.4.1. დაზღვევის ხელშეკრულების დადებამდე მოახდინოს დასაზღვევი ქონების დათვალიერება, სახანძრო-ტექნიკური გამოკვლევა;

4.4.2. გააკონტროლოს დამზღვევის მიერ წინამდებარე ხელშეკრულებისა და შესაბამისი სადაზღვევო პოლისის პირობებისა და მოთხოვნების შესრულება;

4.4.3. შეწყვიტოს წინამდებარე ხელშეკრულების მოქმედება და შესთავაზოს დამზღვევს, ახალი ხელშეკრულების დადება შეცვლილი სახით იმ შემთხვევაში, თუ შეიცვალა ქონების ექსპლუატაციის პირობები;

- 4.4.4. ცალმხრივად შეწყვიტოს დაზღვევის ხელშეკრულების (პოლისის) მოქმედება და წერილობით შეატყობინოს დამზღვევეს აღნიშნულის შესახებ იმ შემთხვევაში, თუ გამოვლინდება, რომ დამზღვევის მიერ განაცხადში მითითებული მონაცემები და გარემოებები არ შეესაბამება სინამდვილეს ან ყალბია;
- 4.4.5. გაგზავნოს შესაბამისი შეკითხვები კომპეტენტურ ორგანოებში დაზღვევისათვის მნიშვნელობის მქონე გარემოებებთან დაკავშირებით;
- 4.4.6. სადაზღვევო შემთხვევის დადგომის შემდეგ მოითხოვოს დამზღვევისაგან წინამდებარე ხელშეკრულებით გათვალისწინებული ყველა ის ინფორმაცია და დოკუმენტაცია, რომელსაც მზღვეველი მიიჩნევს საჭიროდ სადაზღვევო შემთხვევის ობიექტურად შეფასებისათვის;
- 4.4.7. მოახდინოს დამზღვევის დაზიანებული ქონების დათვალიერება და ფოტოგადაღებები;
- 4.4.8. შეადგინოს დაზიანებული (განადგურებული) ქონების აღდგენითი (შენაცვლებითი) ღირებულების კალკულაცია (ხარჯთაღრიცხვა);
- 4.4.9. მოითხოვოს დამზღვევისგან, რათა ამ უკანასკნელმა გადასცეს მზღვეველს საკუთრების უფლება სადაზღვევო შემთხვევის გამო მზღვეველის მიერ შეცვლილ ქონებაზე, ხოლო ქურდობა, ძარცვა, ყაჩაღობის გამო სადაზღვევო ანაზღაურების გაცემისას დაკარგული ქონების პოვნის შემთხვევაში - ნაპოვნ ქონებაზე;
- 4.4.10. არ აანაზღაუროს ზარალი დამზღვევის მიერ წინამდებარე ხელშეკრულებითა და შესაბამისი სადაზღვევო პოლისით დადგენილი ვალდებულებების შეუსრულებლობის შემთხვევაში;
- 4.4.11. თუ ზიანის ანაზღაურების შემთხვევაში გაირკვა, რომ სადაზღვევო შემთხვევა გამოწვეული იყო მესამე პირის ქმედებით, გამოიყენოს რეგრესის წესი და მოითხოვოს ანაზღაურება გაცემული სადაზღვევო თანხის ფარგლებში;
- 4.4.12. გადაავადოს სადაზღვევო ანაზღაურების თაობაზე გადაწყვეტილების მიღება, თუ სადაზღვევო რისკის ხდომილების ფაქტთან დაკავშირებით დამზღვევის (მოსარგებლის) ან მისი უფლებამოსილი წარმომადგენლის მიმართ აღძრულია სისხლის სამართლის საქმე;
- 4.4.13. დაზღვევის პერიოდის ამოწურვამდე დაზღვეული ქონების ან მისი ნაწილის სრული განადგურების ან დაკარგვის გამო სრული ანაზღაურების გაცემის შემთხვევაში, მიიჩნიოს დაზღვევის ხელშეკრულება დასრულებულად შესაბამისი ქონების დაზღვევის ნაწილში;
- 4.4.14. არ აანაზღაუროს ზარალი, თუ დამზღვევმა სადაზღვევო შემთხვევა გამოიწვია განზრახ;
- 4.4.15. არ აანაზღაუროს წარმოშობილი ზიანის ოდენობაზე მეტი თანხა იმ შემთხვევაშიც კი, თუ სადაზღვევო თანხა სადაზღვევო შემთხვევის დადგომის მომენტისათვის აღემატება სადაზღვევო ღირებულებას;
- 4.4.16. თუ სადაზღვევო ანაზღაურების მომენტისათვის დამზღვევეს ერიცხება დავალიანება, ანაზღაურების თანხიდან გამოვკეითოს შესაბამის დავალიანების თანხა.

მუხლი 5. სადაზღვევო თანხა, სადაზღვევო პრემია, ფრანშიზა და სადაზღვევო ანაზღაურება

5.1 სადაზღვევო თანხა განისაზღვრება “დამზღვევესა” და “მზღვეველს” შორის ურთიერთშეთანხმებით. ეს არის თანხა, რომლის ფარგლებშიც გაიცემა სადაზღვევო ანაზღაურება; სადაზღვევო თანხის ოდენობა არ უნდა აღემატებოდეს დაზღვეული საგნის აღდგენით და/ან შენაცვლებით ღირებულებას; თითოეული დაზღვევის საგნისათვის სადაზღვევო თანხა აღნიშნული იქნება შესაბამის სადაზღვევო პოლისში, რომელზედაც გავრცელდება წინამდებარე ხელშეკრულების დებულებები და პირობები.

5.2. დამზღვევის მიერ ყოველი კონკრეტული ობიექტის დაზღვევისათვის მზღვეველის

სასარგებლოდ გადასახდელი სადაზღვევო პრემიის, შესაბამისი სადაზღვევო თანხის, მზღვეველის პასუხისმგებლობის ლიმიტების, სადაზღვევო ტარიფისა და უპირობო ფრანშიზის მოცულობა განისაზღვრება შესაბამისი ინდივიდუალური სადაზღვევო პოლისით დამზღვევის მიერ წარმოდგენილი კონკრეტული განაცხადი-ანკეტის მონაცემთა საფუძველზე.

5.3. სადაზღვევო პრემიის დროულად, სადაზღვევო პოლისით და ხელშეკრულებით დადგენილ ვადებში გადაუხდელობის შემთხვევაში, მზღვეველის მხრიდან განისაზღვრება პრემიის გადახდის ორკვირიანი დამატებითი ვადა. თუ ამ ვადის გასვლის შემდგომ ადგილი ექნება სადაზღვევო შემთხვევას, და გადახდა არ იქნება განხორციელებული, მზღვეველი თავისუფლდება ანაზღაურების მოვალეობისაგან. ამასთან, პრემიის დროულად გადაუხდელობისას მზღვეველი უფლებას იტოვებს ერთი თვით ადრე წერილობითი შეტყობინების საფუძველზე და ამ ვადის უმედეგოდ გასვლის შემდეგ ცალმხრივად შეწყვიტოს დაზღვევის ხელშეკრულება.

5.4. სადაზღვევო ანაზღაურების სიდიდე განისაზღვრება დაზღვევის ობიექტის აღდგენითი ან შენაცვლებითი ღირებულებით სადაზღვევო თანხის ფარგლებში.

5.6. თუ სადაზღვევო შემთხვევის დადგომის მომენტისათვის აღმოჩნდება, რომ სადაზღვევო თანხა ნაკლებია დაზღვეული ქონების სადაზღვევო ღირებულებაზე (აღდგენითი ან შენაცვლებით ღირებულებაზე), მაშინ, მზღვეველი ანაზღაურებს ზარალს სადაზღვევო თანხისა და აღდგენითი (შენაცვლებითი) ღირებულების შეფარდების შესაბამისად ანუ ასანაზღაურებელი ზიანის თანხა შემცირდება ისეთივე პროპორციით, როგორსაც შეადგენს სადაზღვევო თანხა სადაზღვევო ქონების აღდგენით (შენაცვლებით) ღირებულებასთან. ეს პირობა შეეხება ნებისმიერ ცალკეულ დაზღვეულ ობიექტსაც.

5.6. აღდგენა, უძრავი ქონების (შენობის) განადგურების შემთხვევაში, გულისხმობს უძრავი ქონების ხელახალ აშენებასა და რემონტს (აღდგენითი ღირებულება), სხვა ქონების განადგურების შემთხვევაში – მის შეცვლას ანალოგიური ქონებით (შენაცვლებითი ღირებულება), ამასთან, ორივე შემთხვევაში, იგულისხმება ქონების იმ მდგომარეობაში აღდგენა, რომელშიც იმყოფებოდა სადაზღვევო შემთხვევის დადგომამდე, ცვეთის გათვალისწინებით. ქონების დაზიანების შემთხვევაში – ანაზღაურებას ექვემდებარება შესაბამისი რემონტის ხარჯები. თუ ქონების აღდგენა რთულდება სახელმწიფოს მიერ მიღებული რაიმე სახის შემზღუდავი აქტის საფუძველზე, აღდგენის გართულებით განპირობებული ხარჯები არ ექვემდებარება მზღვეველის მიერ ანაზღაურებას.

5.7. მზღვეველი აანაზღაურებს ნარჩენების გატანის ხარჯებს, რომელიც განხორციელდა მზღვეველის თანხმობის საფუძველზე და ითვალისწინებს იმ ნარჩენების გატანას, რომლებიც წარმოიქმნა წინამდებარე პირობებით გათვალისწინებული სადაზღვევო რისკის შედეგად დაზიანებული, დაღუპული ან განადგურებული ქონების ნაწილების დანგრევის, დემონტაჟის, გამაგრების ან გამყარების შედეგად, სადაზღვევო თანხის 10%-ის ფარგლებში, თუ ასეთი დაფარვის შესახებ სპეციალურად არის მითითებული შესაბამის სადაზღვევო პოლისში.

5.8. მზღვეველი აანაზღაურებს არქიტექტორებზე, ინსპექციასა და ინჟინერ-კონსულტანტებზე გაწეულ გონივრულ ხარჯებს, რომლებიც გაღებულ იქნა წინამდებარე პირობების შესაბამისად დაზღვეული ქონების დაზიანების ან განადგურების გამო სადაზღვევო თანხის 10%-ის ფარგლებში, თუ ასეთი დაფარვის შესახებ სპეციალურად არის მითითებული შესაბამის სადაზღვევო პოლისში.

5.9. დაზღვევის ობიექტის აღდგენის ღირებულებაში არ ჩაითვლება:

ა) ობიექტის რეკონსტრუქციასთან ან მის გადაიარაღებასთან, მისი ცალკეული ნაწილების, დეტალებისა და მოწყობილობების, მათი გაცვეთის, ტექნიკური წუნისა და ა.შ. შეკეთებასთან ან შეცვლასთან დაკავშირებული სამუშაოების ღირებულება;

ბ) ობიექტის ტექნიკური მომსახურებისა და საგარანტიო შეკეთების ღირებულება.

5.10. სადაზღვევო ანაზღაურების გადახდის საფუძველს წარმოადგენს სადაზღვევო შემთხვევის აქტი, რომელსაც ადგენს მზღვეველი და ხელს აწერს როგორც მზღვეველი, ასევე დამზღვევი. სადაზღვევო შემთხვევის აქტით მხარეები თანხმდებიან სადაზღვევო ანაზღაურების საბოლოო მოცულობაზე, რის შემდეგაც ანაზღაურების თანხა, წინამდებარე ხელშეკრულებით დადგენილ ვადებში, გადაირიცხება დამზღვევის (მოსარგებლის) მიერ მითითებულ საბანკო ანგარიშებზე.

5.11. სადაზღვევო შემთხვევის შედეგად დამდგარი ზარალის მოცულობას აფასებს მზღვეველის მიერ უფლებამოსილი პირი.

5.12. იმ შემთხვევაში, თუ მზღვეველი და დამზღვევი ვერ შეთანხმდნენ ზარალის საბოლოო ოდენობაზე, ზარალის შეფასება მოხდება დამოუკიდებელი ექსპერტის მეშვეობით. ამასთან, ზარალის შეფასებაზე გასაწევი ხარჯების რეგულირების საკითხი განისაზღვრება შემდეგნაირად:

ა) იმ შემთხვევაში, თუ შეფასება (ექსპერტიზა) ტარდება მზღვეველის სურვილითა და ინიციატივით, ასეთ შეფასებაზე (ექსპერტიზაზე) გასაწევ ხარჯებს მზღვეველი ფარავს;

ბ) იმ შემთხვევაში, თუ შეფასება (ექსპერტიზა) ტარდება დამზღვევის სურვილითა და ინიციატივით, ასეთ შეფასებაზე (ექსპერტიზაზე) გასაწევ ხარჯებს დამზღვევი ფარავს;

გ) იმ შემთხვევაში, თუ შეფასება (ექსპერტიზა) ტარდება მზღვეველისა და დამზღვევის ერთობლივი გადაწყვეტილებითა და ინიციატივით, ასეთ შეფასებაზე (ექსპერტიზაზე) გასაწევ ხარჯები თანაბრად ნაწილდება მზღვეველსა და დამზღვევს შორის.

5.13. სადაზღვევო ანაზღაურების გადახდის შემდგომ სადაზღვევო თანხა მცირდება გადახდილი სადაზღვევო ანაზღაურების თანხის ოდენობით.

5.14. ქონების განადგურებისას, მზღვეველის მიერ ასანაზღაურებელ თანხას დააკლდება ასეთი მომენტისათვის დამზღვევის მიერ დარჩენილი სადაზღვევო პერიოდისათვის მზღვეველისათვის გადასახდელი სადაზღვევო პრემიის (ასეთის არსებობისას) თანხა.

5.15. თუ დამზღვევის მიერ წინამდებარე ხელშეკრულებითა და შესაბამისი სადაზღვევო პოლისით გათვალისწინებული დაზღვევის ინტერესი ერთდროულად რამდენიმე მზღვეველთან არის დაზღვეული, დამზღვევი ვალდებულია აღნიშნულის თაობაზე განახორციელოს მზღვეველის ინფორმირება და შესაბამის წერილობით შეტყობინებაში აღნიშნოს სხვა მზღვეველების ვინაობა და სადაზღვევო თანხის ოდენობა. ასეთ შემთხვევაში, ანუ თუ დაზღვეული ინტერესი რამდენიმე მზღვეველთან აღმოჩნდება დაზღვეული ერთი და იმავე რისკისაგან და სადაზღვევო თანხმები ჯამში საბაზრო ღირებულებას აჭარბებს, მზღვეველები დამზღვევის წინაშე ვალდებულნი არიან, როგორც სოლიდარული მოვალეები იმ თანხის ფარგლებში, რომელიც გათვალისწინებულია დამზღვევთან გაფორმებულ შესაბამის დაზღვევის ხელშეკრულებაში (სადაზღვევო პოლისში), მაგრამ დამზღვევს არ აქვს უფლება მიიღოს ჯამში რეალურ ზიანზე მეტი თანხა.

5.16. დასაზღვევი ობიექტების რაოდენობის გაზრდის შემთხვევაში, პროპორციულად გაიზრდება სადაზღვევო თანხა და შესაბამისი სადაზღვევო პრემია (არაუმეტეს ხელშეკრულების თავდაპირველი ღირებულების 10 %-ისა), რაც აღინიშნება შესაბამის სადაზღვევო პოლისში დანართის სახით და გავრცელდება იგივე პირობები, რასაც მოიცავს ზემოაღნიშნული ხელშეკრულება და პოლისები. დამატებულ დასაზღვევ ობიექტებზე დაზღვევა ძალაში შევა შესაბამისი ცვლილების წერილობით გაფორმების მომენტიდან.

მუხლი 6. რეგრესის წესი

6.1. მზღვეველზე, რომელმაც გადაიხადა სადაზღვევო ანაზღაურება, გადადის რეგრესული მოთხოვნის უფლება მიყენებულ ზიანზე პასუხისმგებელი პირის მიმართ გადახდილი

ანაზღაურების ოდენობის ფარგლებში. დამზღვევი ვალდებულია გადასცეს მზღვეველს მის ხელთ არსებული ყველა დოკუმენტი, ორიგინალის ან სათანადოდ დამოწმებული ასლის სახით, რომელიც საჭიროა ამ მოთხოვნის რეალიზაციისათვის.

6.2. დამზღვევის მიერ ზიანზე პასუხისმგებელი პირისათვის უარის თქმა პრეტენზიებზე ან იმ უფლებებზე, რომელიც უზრუნველყოფს მის მიმართ მოთხოვნების რეალიზაციას, აგრეთვე უარის თქმა მზღვეველისათვის, გადასცეს ამ უკანასკნელს რეგრესული მოთხოვნის წასაყენებლად საჭირო დოკუმენტები, ათავისუფლებს მზღვეველს სადაზღვევო ანაზღაურების გადახდისაგან, ხოლო თუ ასეთი ანაზღაურება უკვე გაცემულია, მზღვეველს ანიჭებს გაცემული თანხის უკან მოთხოვნის უფლებამოსილებას.

მუხლი 7. დავა და ზიანის ანაზღაურება, საჯარიმო სანქციები

7.1. მხარეთა შორის წამოჭრილი ნებისმიერი დავა წყდება მხარეთა ურთიერთშეთანხმებით, შეუთანხმლებლობის შემთხვევაში კი საქართველოს კანონმდებლობით დადგენილი წესით.

7.2. თითოეული მხარე ვალდებულია, აუნაზღაუროს მეორე მხარეს თავისი ქმედებით მიყენებული ზიანი საქართველოს კანონმდებლობით დადგენილი წესით.

7.3. წინამდებარე ხელშეკრულების საფუძველზე გაცემული სადაზღვევო პოლისი(ებ)თ გათვალისწინებული სადაზღვევო პრემიის დადგენილ ვადებში დამზღვევის მიერ გადაუხდელობის შემთხვევაში, მზღვეველი უფლებამოსილია, საჯარიმო სანქციის სახით, დაარიცხოს დამზღვევს გადასახდელი თანხის 0.1 (ნული მთელი, ერთი მეათედი) % გადახდის ყოველი ვადაგადაცილებული დღისათვის.

7.4. წინამდებარე ხელშეკრულების საფუძველზე გაცემული სადაზღვევო პოლისი(ებ)თ გათვალისწინებული მზღვეველის მიერ წინამდებარე ხელშეკრულების 4.2.4 პუნქტით გათვალისწინებული სადაზღვევო ანაზღაურების გაცემის ვადების დარღვევის შემთხვევაში დამზღვევი უფლებამოსილია, საჯარიმო სანქციის სახით დაარიცხოს მზღვეველს გადასახდელი თანხის 0.1 (ნული მთელი, ერთი მეათედი) % გადახდის ყოველი ვადაგადაცილებული დღისათვის.

მუხლი 8. ფორს-მაჟორი

8.1. მხარეები დროებით თავისუფლდებიან წინამდებარე ხელშეკრულებით ნაკისრი ვალდებულებების შესრულებისაგან, თუ ზემოხსენებული ვალდებულებების შეუსრულებლობის ან/და არაჯეროვანი შესრულების მიზეზი იყო დაუძლეველი ძალის ფორს-მაჟორული გარემოებების დადგომა.

8.2. ფორს-მაჟორული მდგომარეობის დადგომის შემთხვევაში მხარეთა ვალდებულებანი წყდება მხოლოდ დროებით და სრულად ახლდება ამ გარემოებათა დამთავრების ან აღმოფხვრისთანავე.

8.3. ფორს-მაჟორული გარემოებების დადგომა და შეწყვეტა უნდა დაადასტუროს შესაბამისმა კომპეტენტურმა ორგანომ.

მუხლი 9. დაზღვევის/ხელშეკრულების შეწყვეტა

9.1. წინამდებარე ხელშეკრულებით გათვალისწინებული დაზღვევის შეწყვეტის საფუძველი შეიძლება გახდეს:

ა) მზღვეველის მიერ შესაბამისი სადაზღვევო პოლისის მიხედვით ნაკისრი ვალდებულებების

სრულად შესრულება;

ბ) მეორე მხარის მიერ ნაკისრ ვალდებულებათა შეუსრულებლობა;

გ) შესაბამისი პოლისით გათვალისწინებული ვადის გასვლა;

დ) თუ დაზღვევის საგანი აღარ არსებობს, გარდა სადაზღვევო რისკით გამოწვეული შედეგებისა (აღნიშნული ვრცელდება კონკრეტულ სადაზღვევო პოლისთან მიმართებაში);

ე) თუ დამზღვევი კანონმდებლობით განსაზღვრული წესით წყვეტს საქმიანობას;

ვ) ამოიწურა სადაზღვევო თანხით განსაზღვრული სადაზღვევო ანაზღაურების ლიმიტი (აღნიშნული ვრცელდება კონკრეტულ სადაზღვევო პოლისთან მიმართებაში).

ზ) თუ სადაზღვევო რისკის ზრდა დამზღვევის, მისი წარმომადგენლის ან დამზღვევის სახელით მოქმედი ნებისმიერი პირის მიერ განზრახ ან უხეში გაუფრთხილებლობით არის გამოწვეული;

თ) მხარეთა წინასწარი წერილობითი შეთანხმება;

ი) საქართველოს კანონმდებლობით გათვალისწინებული სხვა შემთხვევები.

9.2. მზღვეველის მიერ სადაზღვევო პოლისის შეწყვეტის შემთხვევაში (გარდა წინამდებარე ხელშეკრულების 9.1 მუხლის ა, გ, დ და ვ ქვეპუნქტებისა, როდესაც დაზღ-ვევა შეწყდება ამგვარი მოვლენის დადგომის მომენტიდან), იგი ვალდებულია გაუგზავნოს დამზღვევს წერილობითი შეტყობინება მის იურიდიულ მისამართზე 30 დღიანი ვადის დაცვით. სადაზღვევო პრემიის გამოუმუშავებელი ნაწილი დაუბრუნდება დამზღვევს იმ პირობით, თუ იგი დააბრუნებს სადაზღვევო პოლისს მისი გაუქმებიდან 14 დღის განმავლობაში, ასევე, 9.3. პუნქტით დადგენილი პირობის გათვალისწინებით;

9.3. დამზღვევის მიერ სადაზღვევო პოლისის გაუქმების შემთხვევაში იგი ვალდებულია გაუგზავნოს მზღვეველს წერილობითი შეტყობინება მის იურიდიულ მისამართზე 5 დღიანი ვადის დაცვით. დამზღვევს, მისი წერილობითი განცხადების საფუძველზე, დაუბრუნდება გამოუმუშავებელი სადაზღვევო პრემია პროპორციულად. განვადებით ანგარიშსწორების შემთხვევაში, გამოუმუშავებელი სადაზღვევო პრემიის გადახდის ვალდებულება დამზღვევს არ წარმოეშობა.

9.4. ამასთან, დაზღვევის შეწყვეტისას მზღვეველის მიერ პოლისის მოქმედების პერიოდში კონკრეტულ დაზღვეულ ქონებასთან მიმართებაში ნებისმიერი ზარალის ანაზღაურების შემთხვევაში, გამოუმუშავებელი პრემია ასეთ ქონებასთან მიმართებაში დაბრუნებას არ ექვემდებარება, განვადებით სადაზღვევო პრემიის გადახდისას კი - გამოუმუშავებელი სადაზღვევო პრემია ექვემდებარება დამზღვევის მიერ სრულად დაფარვას.